



Aqqalu C. Jerimiassen
Atassut

UPA 2024/61
16. maj 2024

Timersornermik aallutaqartut timersornikkut aaqqissuussani peqataanerminni sulinikkut isertitassaraluaminnik annaasaqartarnerat qanoq matussuserneqartarsinnaanersoq pillugu apequteqaat aallaavigalugu oqallisissiaq.

(Inatsisartunut ilaasortaq Peter Olsen, Inuit Ataqtigiit)

Inuiaqtigiittut ingerlanitsinni soorunami timersornikkut pitsaasumik angusaqarnissaq kissaatigisaqaarput. Maanna timersoqtigiiffiit peqatigiiffittut ingerlasorpassuusut kajumissutsimik sulisorpassuarnik ingerlanneqartarput.

Immaqaluunniit eqqornerusumik taagaanni, inuppassuunngitsut suliarujussuaq peqatigiiffilerinermi ingerlattarpaat. Ullutsinnimi ajoraluartumik peqatigiiffilerineq/kattuffilerineq ullui qaangiuttoorsimasutut ipput, piumassutiminnillu sulisuusut piffissarujussuaq atortarpaat akissarsiaqaatiginagu, assersuutingalugu isikkamik arsamik allamilluunniit timersuummik nuna tamakkerlugu pissartannorniuuttoqartillugu. Ilami ima ataasiinnanngorsimalertigipjaarput, allaat nalujunnaavillutigit kikkuussarnersut ulapittuartsut.

Naak oqallisissiaqartup unammisartut uani annertungaatsiartumik sammivigalugit oqallissaarigaluartoq, pinngitsoorusunngilanga taassallugu, tamakku unammisartut piulersimajunnannngikkaluarmata timersoqtigiiffinni assigiinngitsuni kajumissutsiminnik sungiusaasartut ulapittartullu piunngippata.

Kattuffilerinermullu inuiaqtigiittut soqtigisaarussimanerput annertuallaamik, tassanittaaq qiviagassaqqissunngoqqalluni, aperisarialeqqallutalu immitsinnutaaq; qanoruna ililluta peqatigiiffilerineq/kattuffilerineq inuiaqtigiit akornganni soqtiginartunngorsaqqissinnaagipput, timersornermuuppat allanuuppalluunniit.

Qaavaniittoq aaqqiissutissaq suliarissagutsigu naqqua aamma qiviaqqaartariaqarparput, taakkua maanna timersornermik aallutaqartuusut sorlaniffiat ukkattariaqarluguttaaq. Taanna ukkatilerutsiguttaaq qularnanngilaq suli inerititaqarnerungaalersinnaasut.

Peqatigiiffilerinermik ingerlataqartut qanoq annaasaqaratik aammattaaq ukkanneqalerunik, pinaversaartitsinikkut sunniuteqarfigilersinnaasaat annerungaalersinnaavoq, sungiusarneqartullu tamakkiisumik aallunneqartutut misigilerunik suli annerungaartumik timersornermut soqtiginninnerat qaffakkiartulersinnaavoq.

Taassumallu ersiutai takussutissanippata, taava aamma qaavaniittoq, tassalu oqallisissiaqartup anguniangaa ilanngullugu aaqqiissuteqarfigisinnaanissaanut ujartuilersinnaassuugut.

Taamatut naatsunnguamik Atassummiit oqallisissiamut oqaaseqaateqarluta qujavugut.